

[آراز آزاد منطقه سینده خاور میانه نین لاب یؤیوک سو پارکلاریندان بیرینین قورولور](#)

آراز ورزشی و تفریحی سو پارکی مجتمعی نین کلنگی، 57 میلیارد تومن خصوصی سرمایه اینن آراز آزاد منطقه سینده یئره وورولدو.

آراز آزاد منطقه سینی نین عمومی رابطه لری نین وئردیغی خبره گؤره، بو تفریحی و ورزشی مجتمع 9 هکتار یئرده و داخلی مهندس لرین طراحیغی اینن آراز آزاد منطقه سینده قورولور. آراز آزاد منطقه سازمانی نین مدیر عاملی احداثین باشلانما مراسمینده دئدی: توریزم و تفریح حوزه سینده تۆکولن برنامه لره گؤره، بو منطقه یاخین گله جاقدا اۆلکه نین لاب یؤیوک تفریحی و ورزشی مرکز لرین بیرینه چئوریله جاق. صادق نجفی ائتیردی: ایکی ورزشی پارک، گلفرج سدی نده جت اسکی و سو اسکیسی تاسیساتی و نئچه آیری پروژه بو منطقه ده اجرا حالیندادیر. آراز سو پارکی پروژه سی 1394- جی ایلین آخیرلرینده دنیا استانداردلاری اینن استفاده یه وئریله جاق. بو پروژه نین باشا چاتماسی اینن 200 نفر دن ارتیغا ایش یئرین یاراناجاق. آراز سو پارکی پروژه سی مین دؤرد یوز نفر ظرفیتینن آراز چاپی نین قیراغیندا و دؤرد اولدوزلو آراز هتل نین یاخینلیغیندا یئرلشیب.